

滇粹

清光緒三十五年鉛印本
安陽謝國楨題



頌粹

增光館主人平林町
吉田家藏



真

粹

漢粹

一冊

定價四元 編號(七)一四〇〇

一九八一年五月 杭州古旧书店复制

序

明時遺老遭建虜之禍或閒關嶺嶠足跡遍禹域或出國門東走乞師日本亦有遁身叢薄以微言見者顧迄無成其卒悉以淹蹇憂甚而鳴於詩詞則往往孤嫠之泣讀者不終篇聲爲噬絕嗚呼窮愁之音惟亡國其有之至於今稀矣而國則何如吾遺老能瞑焉耶滇疆值明季永明帝殉國地也吳逆窮追至此紆帝於昆明篋子坡並揚其灰於羣海天地慘色百姓哀號嗚呼永曆十六年四月二十五日滇之地碧血千年而吾皇漢之緒以是終焉者也有滇父老痛心宗社以其所見發之咏歎黯沒於蠻烟瘴雨中不獲闡揚蓋亦多矣甚至其事跡且不可考以余所見則吾友印泉輯有滇粹一書庶幾空山之正朔也抑余違離日本故籍缺殘尋之彼國書庫間獲先民之作而屬滇史者則闕如印泉頃復以遺詩二集屬爲校閱陳冥叔劉毅菴兩先生手澤余按冥叔先生奇絕而毅菴先生哀艷要皆出自肺腑杜少陵李義山而後此其嗣音矣夜深萬籟俱寂一老臬號霜月下余時讀之淚盈臆聲不能揚嗚呼去國五載魂夢繞家山籟

水而海潮鄉信遽遭閔凶余既膺罔極之悲復失友于之誼前後僅四十餘日骨肉間
慘况如此西望故國天末暮雲余不能歸也兩先生乎知二百數十年後有家破國亡
不孝不弟血淚糜墮痛徹心髓如余者讀其詩耶嗟夫印泉余執筆陪矣焉能文天運
已酉棘人湯增璧序

凡 例

一 是書各篇或得之滇中藏書或北京舊書肆或日本圖書館或滇黔蜀湘浙
贛人士鈔錄惠寄者彙集而成皆有關係文字二百餘年湮沒不彰雖字句
抑揚間有未盡善處編者不敢妄易一字以昭信史亦足以規前人一片苦
心當時一般慘狀並雲南與全國之關係

一 各篇中有有圈點者有無圈點者一仍原本以存其真編者亦不敢妄行着
墨

一 各篇有蟲蝕及模糊不明者編者亦不敢臆斷謹以口代之

原屬口者亦
一仍口舊之

一 滇中歷史上之紀載最足爲吾人可歌可泣可驚可痛者甚多此特近數月
中所搜集而得者我同胞篤愛歷史之本性誰不如我獲此拱壁其狂喜當
何如悲憤當何如感想當何如必以其出現太晚搜集尙少爲恨海內藏書
家後如有此類紀載冀割愛寄賜當以次彙集再行續出

戊申三月十八日

思茅呂志伊
騰越李根源

合識

滇粹目錄

序

求野錄

也是錄

永曆帝紀

附錄永曆帝貽吳三桂書

雲南世守黔甯王沐英傳附後嗣事略

征南將軍穎國公傅友德傳

雲南總兵劉綎傳

騰衝參將鄧子龍傳

金滄副使楊畏知傳

明華蓋殿大學士諡文襄楊一清傳

失

失

日本石村貞一元明清史略

日本丸山正彥著鄭成功傳

失

趙州師範先生著

無

失

楚雄李天秩先生叢稿

失

名

名

名

名

名

名

三保太監鄭和傳

山西巡撫孫繼魯傳

兵部尙書蘇遼總督傅宗龍傳

晉王李定國列傳

衛國公胡一青傳

南甯侯張先璧傳

諸生薛大觀傳

明京營副總兵申甫傳

林啟俊傳

文貞道傳

武風子傳

烏私泣集序

趙州師範先生著

直隸龐塏先生著

失名

永北劉彬先生遺稿

失名

失名

江南布衣宋潛虛先生著

汪琬先生著

昆明趙元祚先生撰

方咸亨先生撰

明季忠烈錄

丁亥紀略

熊元仲傳

李孝子傳

旅滇聞見隨筆

失

李

王

王

名

撰

訓

訓



滇粹

呂志伊
李根源
同輯

求野錄

失

名

順治十年戊戌正月永明王以原督師兵部尚書程源爲禮部尚書都御史錢邦芭掌

院事並賜吳毓貞范鏞等贈卹

鏞總督雲貴駐紮黔省時孫可望兩使李定國一使白文選將兵赴黔與鏞盟共
仲倡義扶明之約鏞因從容爲定國文選開陳大義且曰萬一可望渝盟奈何定
國曰可望扶明我則與之共事若其渝盟我則殺之無難也恢復中原之責有定
國承擔乞無念迨後王入安龍可望強橫自恣無人臣禮文選燕見鏞有慚色邦
芭巡撫四川時文選與忠國公王祥盟於烏江邦芭爲執牛耳後可望襲遵義王
祥走死文選晤邦芭亦汗愧不能仰視邦芭曰非公賣國乃他人賣公耳因時開
燕言王在安龍主辱臣死兩人泣數行下也于是文選對邦芭折箭自誓必殺可

望會定國敗於新會入安龍奉王出安南衛走雲南居間調護文選之力居多可望疑其有險謀奪其兵柄幽之別室而鑛已憤卒莫有爲之解者可望脅程源爲兵部尙書時邦芭爲僧矣亦傳之至授詹事府正詹兩人遂密連舊臣皆交歡可望鎮將此輩樸魯武人酒酣耳熱輒悉指可望罵曰糾一張賊皮又生一張賊皮耶源又乘間言於可望文選驍勇可用使功莫如使過文選得還兵權迨交水戰勝文選馬寶雖爲功首而開導於平日與離間逆黨奮發忠義於臨時鑛源邦芭其功咸不可泯至是皆旌之時馬吉翔用事頗忌源邦芭之來源功名自許入朝卽發吉翔奸狀吉翔嘆言者劾源曾臣事可望非純臣源發憤杜門不視事邦芭雖掌憲而督理晉王李定國之軍事者爲金維新秩左都御史位在邦芭上以故都御史待命閣下不發邦芭亦鬱鬱浮沉而已毓貞與吉翔仇也鑛亦非吉翔所善贈卹皆不副所望公論惜之

二月 大軍取湖南入武靖沅辰遂至貴陽安順巡撫冷孟鋌死之

三月 大軍三路入雲南

四月 蜀王劉文秀薨

文秀之追可望至貴陽也。盡收其遺兵可三萬人。練以備邊。漸有成局矣。而晉王請召之還。並召諸將之在邊者。與從可望之南犯者。論功罪爲分兵多寡之地。是以邊警猝至。兵失其將。將不得兵。迄於大潰。文秀以正月還。滇抑鬱不自得。每長歎曰。晉王必敗。國事病革。上遺表曰。我怯虜勁。事可預知。臣精兵三萬人。皆在黎雅建越之間。營窖金二十萬。臣將赦承裔知之。臣死之後。若有倉卒。臣妻操盤匱以待。臣子御羈勒以備。暫御請幸蜀。以十三家之兵出營。陝洛庶幾轉敗爲功。恢復可望也。

七月 晉王招討大元師李定國秉黃鉞出師

令李承爵出左路。壁黃草壩。祁三昇出中路。壁雞公背。白文選出右路。壁遵義之孫界壩。先由中路出關嶺。後李承爵告急。乃移師黃草壩。有以兵事諫者曰。守石

關一夫之力能制勝久之踰石關營於遮炎河祁三昇壁雞公背之絕頂糧少運艱士不宿飽孫界壩孤懸滇蜀之表聲援不及識者俱以爲憂

十月 晉王李定國有遮炎河之捷

十二月 晉王李定國兵潰於遮炎河

於是雞公背孫界 之師俱大潰

十五日 大兵入雲南王出奔

李定國與 大軍戰於遮炎河之右小勝遂不設備 大軍驟至壓其營而壘明

日決戰南兵鎗砲北兵弓矢日中不決忽大風北來鎗砲失火其地山茅野草煙

焰障天北兵乘風馳射定國軍大潰十三日定國變服還滇請王出走十四日王

大集諸臣會議所之 王劉文秀之將陳建等舉文秀遣表請幸 定國曰叢爾

建昌何當十萬人之至不如南走緩出粵西急入交趾難之者曰 大軍乘勝踰

黃草 則臨沅廣南道中斷且喪敗之後焉能整兵以迎方張之勢不可黔國公

沐天波進議曰自迤西達緬甸其地糧糗可資出邊則荒遠無際勢稍緩據大理兩關之險猶不失爲蒙段也王可其議明日遂發滇官兵男婦屬步從者數十萬人從古奔播未有若此之衆者時定國以重兵殿後國勢既搖人心思叛艾奇能之子承業糾狄三品等數人以驍卒千餘伏大寺中謀劫定國而北定國覘者知其謀以告十八日晡時定國遽率兵千人嚴隊西走承業等不敢追

順治十年己亥正月初四日王至永昌

王發滇時百官護從軍民泣隨者日行不過三十里其後兵士乏食取給民間供頓俱匱而庶僚貧病慮從離次不前者甚衆崎嶇過楚雄大理而定國亦至明日王行定國請堅守大理許之后數日白文選以孫界礪南潰之兵至列陣下圍衆尙萬餘定國以數百騎赴之文選憤涕叱定國曰人主以全國全師恢復中原之重任付託於王一旦至此誰執其咎定國慟哭謂文選曰事既如此夫復何言惟本此孤忠願身一死以報君國以了此殘局文選收涕謝曰王許幾人死終何益